

420300 195
1 20
0 10

麗江府志卷一

天文
地理



一美五千四百

图整庄

麗江府志目錄

凡例 修纂職名 圖

卷首

御製

卷一

天文志 星野 氣候 祥異 地理志

疆域 形勢附 山川 風俗 方言 種人附

卷二

建置志 沿革 城池 官署 倉庫市肆院所里社附

郵傳 設鋪路程考附 關哨塘汛 津梁 水利

卷三

食貨志 戶口 田賦 積貯 課程 鹽法附

物產 蠲卹

卷四

學校志 廟學 學額貢例 薪紅附 書院

義學

祠祀志 典祀 俗祀 寺觀

武備志 兵制 戎事邊防附



卷五

秩官志

使命

名宦

循吏

官志題名武秩土司附

卷六

選舉志

薦舉

進士

武進士附

舉人

五貢武舉人附

恩蔭難蔭

卷七

人物志上

鄉賢

卓行

忠義殉難

人物志下

宦績

孝友

文學

列女

方技

寓賢

仙釋

卷八

藝文志上

教

疏序跋書說

考賦

藝文志中

記銘引

藝文志下

詩

附古蹟

冢墓

異聞

續修麗江府志序

知府陳宗海

夫學者典籍極博足以脩千百載之攷證然記載難繁有責以都一邑之事而不知者非知之不優以其事無可傳無以資後人憑籍耳麗麗之隸版圖最後自我

朝雍正元年始列中土衣冠文物畧脩觀瞻其時俗尚風趨既無時賢以工筆錄致使後君子採風問俗莫由譜入歌謠心竊憾焉厥後相去二十年
十年前守管公為集志畧二卷而後訪軼事者

三

得以援古而信今然禮教初興其多偏而不舉以故文畧而不詳若忠孝若貞廉及先賢文學類得無幾焉豈潛德奇才闡發不力與抑造物鍾靈僅如是與余知昔之紀其畧者甚苦而益歎今之求其詳者愈不可以少安矣而議者曰將有待也又議者曰為之幸善曰幸善則知今之續是志者又不可以少待矣方今海宇清平晏然無事有志蒐索者正宜博採遺聞斷為成書以彰百四十年之明脩矧玉水雪峯時賢倍

出今之視昔難易不無少殊也因次列條目與諸紳互為參證而諸紳亦樂任之閱七月而功告成非諸今之所為遂盡其詳臻其備也亦以其聞見所及補昔之未及聞見而已其次鶴慶其次劍川其次維西亦將計日合彙惟中甸榛狂依然文獻無徵僅得其畧而猶有所未信也是則余之所未能滿志也噫

續修麗江府志序

知府 冒 沅

古者輶軒採風必輯四方之禮俗教治所以察
習尚驗醇薄也麗舊無志雍正初廣文萬君成
燹未鐸麗慨遺文之莫攷詢父老而無徵僅就
其耳目所經隨時記載久之積散成帙得一卷
顏曰雪山外史將以脩異日采擇萬君可謂克
修其業矣乾隆丙戌秋安成未亭管公權守是
郡汲汲以修學輯志為務萬君乃就曩日筆錄
復加摭採彙志畧上下二卷裁之成書而麗之

五

禮俗教治始畧有所考特改設之初草昧初闢
君忠孝貞廉鄉賢文學殊屬無幾然其文簡而
該後之人得取證焉自時迄今遙遙百十四年
其間風土人情之樸澆治亂平陂之往復昔成
郭者今或坵墟昔廉直者今或狂詐非因時區
別明辨而詳識之將後之執滯以求或疑前史
為不足信是守土者之咎也光緒甲午會稽春
源陳公采權府事謂政賴叅稽續志為不可緩
事乃遍為采輯與諸文士互加校證未訖成而

公之晉海任事遂寢越明年乙未余以方伯之命來守是邦甫下車適值府試試畢麗諸紳來見曰願有請余啟其說曰郡志之不修百餘年於茲矣昨者郡伯春源陳公採而續輯將告成又不幸而去願得執政以訖之元曰是余願也迺於視學校清積弊暇餘受而閱之知其草創未備若增損補遺猶需裁之余不文何以當此然勉勉寸心竊自勵焉因不思固陋與邑令李邵運司馬及諸薦紳悉心互證聞附鄙意補其

六

未詳未知有當萬一否也崇成畧綴數言於簡端以見孟堅修史續輯而業乃成仲晦釋經屢易而功乃盡以余區區薄學仍未足以竟其善後之採風者後詳審而參訂之無罅隙無繁縟是則余之所望也夫

凡例

一舊志成於乾隆間其中天時人事雖與今未能固亦不敢概行刪削亦存舊也

一是書條目節次俱仿通志但通志載全省事不能不多設門類縣志事類無凡其可以歸併者仍行歸併

一沿革縣志與通志不無異同今仍遵通志

一舊志於山川一門頗形踈畧通志又多錯訛今復悉心採訪不敢沿襲

七

一麗啟疆較遼山重水複間人迹罕到舊說以老君山為雪山未龍係傳聞之誤今更悉心踏勘不敢沿訛

一官制營制自乾隆至今不無變革今仍一一註明庶免淆混

一節孝像闡揚貞烈其有年例相符未經旌表者仍行登錄

一麗志自乾隆以後未經續修百年来人物著述不無遺失之感是編所登猶未為全豹也

一 所選各種詩文俱遵四庫全書例人現存者
雖有佳作不敢登入

一 麗地迭經變亂陣亡殉難者不下數千人迄
今採訪僅得十之一二如謂止於此則豈其
然

一 續修麗志經始於太守 陳君告成太守

冒君其中裁酌校正則大令孝君之力也

一 麗江先設府後添縣故舊志稱府志今仍之
存古也

麗江府志

修纂職名

總修

麗

麗

總裁

麗

校閱

麗

分纂

麗

麗

麗

舉

舉

舉

舉

副舉

江

江

江

江

江

江

江

府

府

縣

府

府

府

縣

知

知

知

學

學

學

學

教

教

教

訓

府

府

縣

授

導

諭

導

會稽

加

舉

進

拔

拔

康

陳宗海

昇

平

昆

永

楚

建

沅

冒

利

明

北

雄

水

沅

沅

李

錢

譚

陳

嘉

沅

沅

星

鴻

運

思

言

和建勳

王成章

王樹和

李中銓

楊超群

九

貢廩廩增理量

貢貢貢麗

貢二舉訪採

舉副

貢生

廩生

貢

生 生 生 生

江

蘇

典

文

品

封

生 生 生 生 人 職 人

榜 人

十

劍川

李鴻芬

和 飛 蘭

和 亨 吉

和 箴 和 即 貴 李 福 寶

張 必 楊 品 碩 楊 衍 洛 李 玉 濃

楊 震 吉 楊 務 本 張 鵬 翼 楊 熙 遠

郭 恆 泰

楊 韶 英

楊 灼 南

楊 國 樑

趙 懋 光

和 雲 錦

趙 禮

和之潤
和復興
和希賢
和國賢

批恩錫
張建勳

增生
楊成章
李望

附生
和嗣昌
周建侯

繕寫

增生
張允信
習丹書

附生
和讓
習維翰
李開鉢

繪圖

廩生
張文湛

貢生
方望

校對

附生
李森
李德昌
李炳魁



麗江府志卷首

御製

大成至聖先師孔子贊並序

蓋自三才建而天地不居其功一中傳而聖人
代宣其蘊有行道之聖得位以綏猷有明道之
聖立言以垂憲此正學所以常明人心所以不
死也粵稽往緒仰溯前徽堯舜禹湯文武達而
在上兼君師之寄行道之聖人也孔子不得位
窮而在下秉剛述之權明道之聖人也行道者

十二

勲業炳於一朝明道者教思周於百世堯舜文
武之後不有孔子則學術紛淆仁義湮塞斯道
之失傳也久矣後之人而欲探二帝三王之心
法以為治國平天下之準其奚所取衷焉然則
孔子之為萬古一人也審矣朕巡省東國謁祀
闕里景企滋深敬摘筆而為之贊曰
清濁有氣剛柔有質聖人參之人極以五行著
著習察舍道莫由惟皇建極惟后綏猷作君作
師垂統萬古曰惟堯舜禹湯文武五百餘歲至

聖挺生聲金振玉集厥大成序畫剛詩定禮正
樂既窮象繫亦嚴筆削上紹往緒下示來型道
不終晦秩然大經百家紛紜殊途異趨日月無
踰羹牆可悟孔子之道惟中與庸此心此理千
聖所同孔子之德仁義中正秉彝之好根本天
性庶几夙夜勗哉今圖溯源洙泗景躅唐虞載
厯庭除式觀禮器摘筆仰贊心焉遐企百世而上
以聖為師非夫子師惟師於道統天御世惟道為
寶泰山巖巖東海泱泱高數仞夫子之堂孰

十三

復聖顏子贊
窺其藩孰窺其逕道不遠人克念作聖

聖道早聞天資獨粹約禮博文不遷不貳一善
服膺萬德未萃能化而齊其樂一致禮樂四代
治法兼備用行舍藏王佐之器

宗聖曾子贊

洙泗之傳魯以得之一貫曰唯聖學在茲明德
新民止善為期格致誠正均平以推至德要道
百行所基纂承統緒修明訓詞

宗聖曾子

述聖子思子贊

於穆天命道之大原靜養動察庸德庸言以育
萬物以贊乾坤九經三重大法是在篤恭慎獨
成德之門卷之藏密播之無垠

亞聖孟子贊

哲人既萎揚墨昌熾子輿闢之曰仁曰義性善
獨闡知言養氣道稱堯舜學屏利功煌煌七篇
並垂六藝孔學有傳禹功作配

訓飭士子文

康熙四十一年

十四

國家建立學校原以興行教化作育人才典至
渥也朕臨取以來隆重師儒加意庠序復慎簡
學使釐剔弊端務期風教修明賢才蔚起庶几
棧樸作人之意乃比來士習未端儒效罕著雖
因內外臣工奉行未能盡善亦由爾諸生積錮
已久弊難改易之故也茲特親制訓言再加警
飭爾諸生其敬聽之從來學者先立品行次及
文學學術事功原委有叙爾諸生幼聞庭訓長
列宮牆朝夕誦讀寧無誦究必也躬修實踐砥

勵廉隅敦孝弟以事親秉忠貞以立志窮經攷
義勿雜荒誕之說取友親師悉化憍盈之氣文
章歸於醇雅毋事浮華軌度式於規繩最所滂
軼子衿佻達自昔所譏苟行之有虧雖讀書何
益若夫宅心弗淑行已多愆或蜚語流言挾制
官長或隱糧色訟出入公門或唆撥奸猾欺孤
凌弱或招呼朋類結社要盟乃如之人名教不
容鄉黨弗齒縱幸脫笞朴濫竊章縫反之於衷
能無愧乎况乎鄉會科名乃掄才大典關係尤

十五

鋸子士果有真才實學何患困而不逢年顧乃
標榜虛名暗通敵氣魚鱗詭遇罔顧身家又或
改竄鄉貫希圖進取囂凌騰沸網利害私種種
弊端深可痛恨且夫士子出身之始尤貴以正
若茲厥初拜獻便已作奸犯科則異時敗檢踰
閑何所不至又安望其秉公持正為國家宣猷
樹績膺後先疏附之選哉朕用嘉惠爾等故不
禁反復惓惓茲訓言頒到爾等務此辭朕心恪
遵明訓一切痛加改省爭自濯磨積行動學以

圖上進國家三年登造未帛弓旌不特尔身有
榮即尔祖父亦增光寵矣逢時得志寧俟他求
哉若仍是為具文玩愒勿做毀方躍冶暴棄自
甘則是尔等冥頑無知終不能率教也既負裁
培復干咎戾王章具在朕不能為尔等寬矣自
茲以往內而國學外而直省鄉校凡學臣師長
皆有司鐸之責者並宜傳集諸生多方董勸以
副朕懷否則職業弗修咎亦難逭勿謂朕言之
不預也尔多士尚其敬聽之哉

訓飭知府文 雍正二年

十六

諭知府國家親民之官莫先於守令蓋州縣官與
民最親而知府又與州縣官最親凡州縣興利
除弊之事皆於知府有專責焉是知府一官分
寄督撫監司之耳目而為州牧縣令之表率承
流於上宣化於下所繫綦重矣漢宣帝有曰太
守吏民之本也又庶民所以安其田里而無歎
息愁恨之心者政平訟理也與我共此者其惟
循良二千石乎故兩漢循良稱盛而賢守尤多

蠶黃台杜諸人大都皆廉潔和平正身率屬以
與民休養生息史稱其所居民富所去民思此
皆彰明較著者也

皇考澄肅官方慎簡僚吏知府中有政績茂異聲名
著聞者必加優眷數年之間即膺殊擢所以鼓
勵循良務令群黎受福尔等蒙

皇考簡用之恩受國家民社之寄地方不甚遼遠則
於民間之疾苦可以周知勢分不甚懸殊則於屬
下之賢否可以洞悉尔果廉正自持屏絕賄賂

十七

則督撫監司必不致肆行需索而州牧縣令亦
不敢恣意貪婪近聞州縣火耗任意加增罔知
顧忌以小民之脂膏飽貪吏之谿壑由尔不能
卻遺金於暮庖又安能禁屬吏之濫征乎盤查
倉庫必須覈實不可視為故事乃或借盤查之
名勒索餽遺是因盤查而虧空愈甚矣尔能時
勤勸誡加以憐恤則州縣可無虧空之虞能制
節謹度浚泊是安則尔亦可免虧空之累勸農
誅桑以厚風俗禁戢強暴以安善良平情聽斷

以清獄訟皆尔職守之所當盡者至於督府舉
劾州縣必由尔之詳揭務須秉公持正勿涉編
私若善於逢迎者從而庇護薦拔之而端方恬
靜之人反故為推抑下吏皆苟且營私以求容
悅地方之事尚可問乎居官者每有初入仕途
清操自矢矢漸登華要頓改初心既知砥礪庶
隅即當始終一節更有巧於仕宦者人每謂其
名實兼收朕最不解此語夫名者實之華果能
潔己愛民奉公盡職此所謂實也治行稱首民

十八

歌輿訟此所謂名也實至而名隨之如本立而
華茂焉若以弋取虛譽為名而以封殖多藏為
實此則小人之尤更甚於貪黷彰聞之輩矣朕
纘承大統夙夜祇懼惟恐有負

皇考付託之重深冀尔等各體此意清白乃以心古
循良自勉若徇私納賄不能率屬愛民貽害地
方蔑視憲典三尺具在朕不能為尔等寬也特
諭

乾隆三年十二月二十一日奉

上諭守令為親民之官最關緊要而邊疆之地夷民
雜處撫綏化導職尤甚重更不得不慎選其人
以膺牧民之寄查雲貴諸苗向在王化之外為
害於地方近來改土設漸流次安輯然瘡痍初愈
元氣未復必得循良之員思信兼著調劑咸宜
者令其心志帖服然後可以久安於無事近時
督撫於苗疆重地多擇能員以資裨益殊不知
矜才喜事之輩飾文貌以欺耳目圖聲譽以求
陞遷非有宵心實政以為撫綏化導之本究於

十九

苗疆無所裨補夫苗夷雖極頑悍然亦具有人
心死不可死誠感動者果得廉靜樸質之有司
視同赤子勤加撫恤使之各長其妻孥安其田
里俯仰優游一無擾累諒無有不可以革面革
心者嗣後有苗疆要缺應令該督撫慎選賢員
以居其任三年之後察其漢夷相安群情愛戴
者保題陞擢以示優獎其有恃才貪功者雖有
才幹不宜輕任以滋事端其如何定例之處着
九卿妥議具奏至於文武不和乃地方之大患

其在苗疆吏宜嚴禁而重懲之嗣後若有懷挾私意彼此齟齬致悞公爭者該督撫提臣即行題參從重議處毋得姑容欽此

訓州縣文

諭知州知縣朕惟國家首重吏治尔州牧縣令乃親民之官吏治之始基也身賦獄訟尔實司之品秩雖卑職任綦重州縣官賢則民先受其利州縣官不肖則民先受其害膺茲任者當儆朝廷養惠元元之意以愛民為先務周察節度緝緜

二十

輯鄉里治行果有其實循卓自有其名非內聚賄而外干譽謂之名實兼收也全省吏治如作室然臂撫其棟梁也司道其垣墉也州縣其地基也書云民惟邦本本固邦寧夫所以固邦本者在吏治而吏治之本在州縣苟州縣之品行不端猶基不立則室不固庸可濟乎

皇考臨御六十一年灼知州縣之重特行引先咨詢明試至詳至慎其有廉能之員每不次超擢以示鼓勵令海內群黎皆

皇考所懷保也朕膺

社稷重寄思繯

皇考之治功惟尔州縣諸臣具有父母斯民之責其
為朕立之基址以固邦本焉誠能潔己奉公實
心盡職一州一縣之中與仁興讓教孝教忠物阜民
安刑清訟簡朕將升之朝宁用作股肱如或罔
念民瘼恣意貪婪或朘削肥家或濫刑逞虐或
借刻以為清或恃才而多事或諛媚上司以貪
位或任縱胥吏以擾民或徇私逞欲以虧上國

二一

帑王章具在豈尔貸歟更有任州縣時私肥已
橐而漫云且俟頭要方立名節者其與初市清
名晚而改搯之人何以異哉至於錢糧關係尤
重絲毫顆粒皆姓百之脂膏增一分則民受一
分之累減一分則民霑一分之澤前有請暫加
火耗抵補虧空帑項者

皇考示諭在廷不允其請尔諸臣共聞之矣今州縣
火耗任意加增視為成例民何以堪之乎嗣後
斷宜禁止或被上查核或被科道糾參必從重

治罪決不姑貸夫欲清虧空之源莫如節儉正
直節儉則用無不足正直則上官不可干以私
若賸小民之生以飽上官之貪欲冒不測之罪
以快一時之奢後豈砥勵廉隅為民父母之道
乎尔州縣官等其恪此乃職勿貽罪戾毋謂
地遠官卑朕不及察其賢否也特諭

乾隆五年十月二十九日内閣奉

上諭士為四民之首而太學者教化所先四方於是
觀型焉比者聚生徒而教育之董以師儒舉古

二二

人之成法規條亦既詳條矣獨是科名聲利之
習深入人心積重難返士子所為汲汲皇皇者
惟是之求而未嘗有志於聖賢之道不知國家
以經義取士使多士由聖賢之言辭聖賢之心
正欲使之為聖賢之徒而豈沾沾焉文藝之末
哉朱子同安縣諭學者云學以為己今之世父
所以詔其子兄所以勉其弟師所以教其弟子
弟子之所以學舍科舉之業則無為也使古入
之學心於如此則凡所以得志於科舉者斯已

耳所以孳孳焉愛日不倦以至死而後已者果
何為而然哉今之士惟不知此以為苟足以應
有司之求矣則無事乎汲汲為也是以至於惰
游而不之返終身不能立志於學而君子以為
非士之罪也使教素明於上而學素講於下則
士者固將以用其力而豈有不勉之患哉諸君
苟能致思於科舉之外而知古人之所以為學
者則將有欲罷不能者矣觀朱子此言洵古今
通患夫為己二字乃入聖之門知為己則所讀

之書一一皆益於身心而日用事物之間存養
省察闡然自修世俗之紛華靡麗無足動念何
患詞章聲譽之能奪志哉况即為科舉亦無礙
於聖賢之學朱子云此是科舉累人人累科舉
若高見遠識之士讀聖賢之書據吾所見為文
以應之得失置之度外雖日日應舉亦不累也
居今之世雖孔子復生也不免應舉然豈能累
孔子也朱子此言即是科舉中為己之學誠能
為己則四書五經皆聖賢之精蘊辭而行之為

聖賢而弓餘不能為己則雖奉經義治事而曾
課之亦糟粕陳言無裨實用浮偽與時文等耳故
學者莫先於辨志志於為己者聖賢之後也志
於科名者世俗之陋也國家養育人才將用以
致君澤民治國平天下而困於積習不能奮然
求志於聖賢豈不謬哉朕膺君師之任弓厚望
於諸生適讀朱子書見其言切中士習流弊故
親切為諸生言之俾司教者知所以為教而為
學者知所以為學欽此

聖祖仁皇帝御製山川考諭

朕於地理從幼留心凡古今山川名號無論邊
徼遐荒必詳考圖籍廣詢方言務得其正故遣
使臣至崑崙西番諸處凡大江黃河黑水金沙
瀾滄諸水發源之地皆目擊詳求載入輿圖今
大兵得藏邊外諸番悉歸正王化三藏阿里之
地俱入版圖其山川名號番漢異同當於此時
考證明核庶可傳信於後大概中國諸大水皆
發源西南大幹內外其源委可得而縷晰也黃

河之源出西寧外枯尔坤山之東衆泉流出沮
如渙散不可勝數^望之燦燦若列星蒙古名教
敦他拉西番名蘇羅木譯言星宿海也是為河
源匯為查靈鄂靈二湖東南行折北復東行由
歸德堡積石關入蘭州岷山之源出於黃河之
西巴顏哈拉崩七七勒哈納番名岷捏探漢書
所謂岷山在西徼外江水所出是也而禹貢導
江之處在今四川黃勝關外乃褚山古人謂江
源與河源相近禹貢岷山導江乃其流非源也

二五

斯言實可據其水自勝關流入至灌縣分數
十歧至新津縣復合為一東南流至叙州府會
金沙江今之金沙江源自達賴喇嘛東北烏担
烏蘇流出烏担烏蘇譯言乳牛山其水名母魯
烏蘇東南流入喀木地又東南流經中甸入雲
南塔城國名金沙江至麗江府亦名麗江至永
北府會打衝河東流經武定府入四川交界
至叙州府合岷江流經夔州府入湖廣境由荆
州府至武昌府與漢江合漢江源出陝西^寧羌州

北蟠冢山名漾水東流至南鄭縣為漢水入湖
廣界東南流至漢陽縣漢口合岷江此諸水在
東南大幹之內故發於西蕃委入於中國也瀾
滄江有二源一源於喀木之格爾玳樂噶兒山
名樂褚河一源於喀木之齊魯肯他拉名教母
褚河二水會於义木多庙之南名拉克褚河流
入雲南境為瀾滄江南流至車里宣撫司名九
龍江流入緬國瀾滄之西為哈拉烏蘇即禹貢
之黑水今雲南所謂潞江也其水達賴喇嘛東

二六

北哈拉腦兒流出東南入喀木界又東南流入
摠夷界為摠江入雲南大塘隘名潞江南流經
永昌府潞江安撫司境入緬國潞江之西為龍
川江龍川江之源茫喀木所屬春多崩南流入
雲南大塘隘西流為龍川江至漢龍關入緬國
此諸水在東南大幹之外故皆流之南海也又
雲南邊境有檳榔江者其源發自阿里之底斯
東打母朱喀巴珀山譯言馬口也有泉流出牙
母藏布江從南折東流經藏危地適口噶公噶

尔城傍合噶兒詔母倫江之南流經公布部落地入雲南古勇州為檳榔江出鉄壁關入緬國而岡底斯之南互山名郎干喀巴珀譯言象口也互泉^流出入馬品母達賴腦兒又流入郎噶腦兒兩湖之水西流至桑納地岡底斯之北互山名僧格喀巴珀譯言師子口也互泉流出西行亦至桑納地二水合而南行又折東行至那克拉蘇母多地與岡底斯西馬珀家喀巴珀山所出之水會馬珀家喀巴珀者譯言孔雀口也其

水南行至那克拉蘇母多地會東行之水東南流至厄納忒克為岡噶母倫江即佛家所謂恆河也佛國紀載魏法顯順恆河入南海至山東之渤海入口應即此水矣梵書言四大水出於阿耨達池以今考之意即岡底斯是唐古忒稱岡底斯者猶言衆山水之根與釋典之言相合岡底斯之前互二湖連接土人相傳為西王母瑤池意即阿耨達池也又梵書言普陀山有三一在厄納忒克之正南海中山上有石天宮觀

自在菩薩游舍是乃真普陀一在浙江之定海
縣海中為善財第二十八參觀音菩薩說法處
一在圖白特合番名布達拉山也亦為觀音化
現之地釋氏之書本自西域故於彼地山川頗
可引為據也禹貢導黑水至於三危舊注以三
危為山名而不知其在朕今始考其實三危
者猶中國之三省也打箭鑪之西南達賴喇嘛
所屬拉李成之東南為喀木地達賴喇嘛所屬
為危地班禪呼圖克圖所屬為藏地合三地為

二八

三危耳哈拉烏蘇由其地入海故曰導黑水至
於三危入於南海也至於諸番名號雖與史傳
不同而亦可據者今之圖白特即唐之突厥
唐太宗時以公主下降公主供佛像於廟今番
人名詔詔者譯言如來也其地猶有唐時中國
載去佛像明成化中烏斯藏大寶法王來朝辭
歸時以半駕鹵簿送之遣內監護行內監至四
川邊境即不能前進而返當其儀仗於佛廟至
今往來之人多有見之比載於明實錄者尔等

將山川地名詳細改正具奏

御製楊武愨公碑文

朕惟折衝禦侮臣子抒敵愾之忱取義成仁朝
廷重卹忠之典爰頒紫綬式勒青珉尔前署雲
南提督廣東陸路提督原任廣東高州鎮總兵
二等男追贈太子少保楊玉科勇冠三湘威揚
六詔早奮戎行之績克宣閩寄之猷建大纛於
鉄柱城邊旌旗霜肅埽妖氣於金沙江上蠻瘴
風清洎移節於嶺南益承恩於北闕重申錫命

二九

列爵游膺一青蒙愨壯猷無忝屬邊疆之告警
統勁旅以出關往助大師獨當勦敵臨陣而軍
難山撼衝鋒而礮若雨飛了期勇率熊羆炎微
懾么麼之氣何意毒遭蜂螫中營隕大將之星
思壯烈之英風魂能殺賊悼堅貞之峻節義不
顧身是真勤事之臣宜備節終之禮雕筵賜奠
慰靈爽於幽泉螭碣鏤芳表徽聲於未葉謚曰
武愨壯厥生平於戲忠懷馬革令名昭竹帛之
光寵賁龍章貞名煥松阡之色豐碑永峙異命

欽承

御賜初次祭楊武愍公文

朕惟疆場効命追思將師之巨國典褒忠特備
哀祭之禮聽鼓擊而慘怛陳俎豆以歆歆尔前
署雲南提督廣東陸路提督原任廣東高州鎮
總兵等二男追贈太子少保楊玉科勇著赴桓
謀嫻韜略早拔奇於軍壘旋靖亂於岩疆震懾
百蠻馳羽書而奏捷風行六詔建旄鉞以宣猷
滇南久播威嚴嶺表復資保障惟勛庸迭叙五

三十

等之爵游膺雖例議偶千百戰之名無忝屬以
越藩告警邊事孔殷命振旅以出國親援炮而
敵愾勵同仇之氣誓必死之心捲旆前驅期掃
烽烟於萬里奮身不顧遠罹鋒鏑於重圍憫壯
志之未伸軫前勞而寵卹申易名之令典紀績
旂常頒賜祭之隆儀增先泉壤於戡仁成致命
捐軀遂馬革之忠事定論功報享懷亮白之烈
尔灵不昧尚克歆承

御賜二次祭楊武愍公文

朕惟戎行致果英風永播於友陬國典褒忠秩
祀特頒夫嘉荐惟成仁既昭大節斯食報宜舉
明禋式是彝章陳邲芬苾尔前署雲南提督廣
東陸路提原^督任廣東高州鎮總兵二等男追贈
太子少保楊玉科抒誠報國鼓勇成軍早奮赴
迹於滇池久宣威於邊徼削平回逆屢書露布
之勲練習戎韜遂總雲麾之寄膚功疊奏心簡
攸隆建牙而專閩頻膺錫爵而崇階特晉屬南
交之告警入西粵而赴援冒矢石以前驅獨

三十一

出勁敵誓烽烟之盡掃遠越重關陷陣方奮乎
鷹揚捐軀忽傷乎馬革星沉大纛克勤王事於
疆場風捲灵旗用妥忠魂於造儿絲綸錫命擊
鼓興思於戲褒兩字而易名無慙武愍煥千秋
而表節脩極哀榮灵爽有知尚其歆格
御賜三次祭楊武愍公文

朕惟報國捐軀奮志則曾經百戰論功行賞推
思而更及九原惟殊勲克建於疆場斯煥典宜
加乎泉壤尔前署雲南提督廣東陸路提督原

任廣東高州鎮總兵二等男追贈太子少保楊
玉科才猷夙著智勇兼全略裕龍韜見母忱之
獨秉志成馬革悵碧血之橫飛至顯孤忠時殷
軫念茲以

慈闈歸政

典重酬庸因思專閭成勞

恩隆錫奠奉

綵綸而煥采將酒醴以旌忠於戲績著旂常足壯干

城之氣思興鞶難忘將師帥之臣尔灵有知尚

其來格